

pauciores, pro diversitate partium nutriendarum. Ut enim flavum fiat rubrum, & contra rubrum flavum: unica & simplex fortè satis est alteratio. At, ut album fiat nigrum, & contra: opus est alterationib. intermediis plurimis v. g. Ex pane, qui albus est, ut fiat sanguis, qui ruber est: profectò non sufficit una alteratio, sed oportet paulatim & per vices deponat alborem, eodemque modo acquirat ruborem. Rursus, Ex sanguine, qui rubor est, ut fiat os, quod album est: profectò non est satis semel alterari sanguinem, leviterque, sed multoties & per intimam substantiam, donec & dealbetur satis & incrassetur. Quamobrem opus habuit animal instrumentis plurimis, quorum singula præstarent alterationes singulas, quæque semper mutuò se exciperent, donec ex cibo dissimilimo fiat alimentum quàm similitimum. Nullum enim perfectum & magnum opus repente fit, & unà aggressionem, totamque suam expolitionem ab uno instrumento accipere potest, inquit idem Gal. 6. Sent. Hipp. & Plat. 6. Quis autem intelligit, tantò majorem instrumentorum copiam requiri, quantò animal ipsum perfectius est, ut jam antè dixi.

Diversa. Cum enim alimentum, per os assumtum sæpè unà cum partibus verè alimentariis, multas habeat partes à naturâ partium
nutri-